

# Da u MLA ka Jowai thung ka NPP kum u President thymmai ki samla

**Shillong, Naiwieng 20 :** Ka National Peoples Party ha ka jylla ka la thung da u MLA ka Jowai, Bah Wailadmiki Shylla kum u President ba thymmai jong ki samla NPP hadien ba ka samoi treikam jong u Bah Kitborlang Nongrem ka la kut noh.

Haba kren hadien ka jingialang shimti kam, u Bah Wailadmiki u la ong ba kum u nongialam ba thymmai u shim ba kane ka kam kum kawei pat ka jingkitkhlieh ban trei na bynta ka bit ka biang jong ka jylla.

“Ka kam ka la don lypa bad ka kamram jong nga ka

long tang ban shu buddien beit,” ong u Bah Wailad haba kren bad ki lad pathai khubor. Ha kajuha ka por u la pynpaw ruh ia ka jingkmn halor ka jingied jong ka party ia u ban shimti ia katei ka lyngkor ban trei na bynta ka party.

Ha kajuha ka por u President barim, Bah K Nongrem pat u la ong ba u la hun namar ha ki lai snem u a bat kum u President ka NPYF u la ioh ban trei lang ryngkat ryngkat bad ka kynhun shibun ki kam kiba iadei bad ka imlang sahlang khamtam eh haba iadei bad ki ishu kiba ktah ia



ka Jaidbynriew bad ia ka jylla. “Nga hun ka mynsiem bad nga kmen ruh ban iohi ba ia kane ka lyngkor la shimti da u wei pat u rangbah uba kham samla bad ba don jingbit ha ka kam,” u la ong. La donlang ruh ha kane ka sngi naduh u General Secretary Organisation, James K

# Seisoh ka jingrakhe ia ka Jal Utsav ba 15 sngi ha Ri-Bhoi

ha Parish Hall Nongpoh, ha kaba u Myntri ka tnad PHE u Marcuise Marak u la wan ban shim bynta kum u kongsan, haka jingdonlang u Abhilash Baranwal, Deputy Commissioner ka Ri Bhoi District, ka Kong B Lyndem, Chief Engineer ka tnad PHE, Shillong, nalog kiwei kiwei ki ophisar jong ki tnad treikam bapther bapther, ki nonghikai bad ki khynnah skul.



U Myntri ka tnad PHE lem bad ki ophisar, ki paidbah bad ki khynnah skul haka jingpynkut noh iaka jingrakhe iaka Jal Utsav ha Ri-Bhoi.

U Abhilash Baranwal Deputy Commissioner ka Ri-Bhoi haba kren ha kane ka sngi u la ong ba ka Ri-Bhoi District ka dei kaba la ioh ia ka jingithuh da ka NITI Aayog kum kawei na ki 20 tylli ki Aspirational District ha ka ri ban rakhe ia ka Jal Utsav kum ka thong ban pynsngewthuh sha ki paidbah halor ka jingkoror ka um bad ba iada ia ki tyllong um ban pyndep iaka thong jong ka Jal Jeevan Mission ban pynpoi umbam umdih haman ki thliev iing. U la ong ruh ba kane ka

prokram la rakhe kumba 15 sngi lynter da ka ophis u DC, ka tnad PHE lem bad kiwei kiwei ki tnad sorkar bad kane ka prokram kala ioh kaba jop bad pynmyntoi iakaba bun tylli ki shngong hapoh ka district ha kaba la ioh ruh ban pynlong iaki prokram bapther bapther ryngkat ka jingshim bynta shithrem jong ki khynnah skul, ban rah iaka khubor halor ka jingkoror ka umbam umdih bad ban sumar iaka mei mariang bad ki tyllong umdih.

U Myntri ka tnad PHE u Marcuise Marak haba kren ha kane ka sngi kum u kongsan u la ai ka jingiaroh iaka bor pyniada district, ka tnad PHE bad kiwei kiwei ki tnad sorkar kiba la snohkti lang ban iadon bynta ha katei ka jingrakhe iaka Jal Utsav kaba jop kaba dei ruh ka thong jong u Myntri Rangbah ka ri U Narendra Modi ban sumar bad pynneh pynshah iaka um.

U la ai ruh ka jingiaroh iaka jingtreishitom jong ki

ophisar haka district kiba la shimkha ban leit rung sha ki shngong ki thaw ban ialap paidbah halor ka jingkoror ka um bad kumno ban pynneh pynshah iaka ryngkat ba ka jingkitbok ba kum ka Aspirational District kan dang kiew shaphrang ban pyntreikam iaki skhim sorkar bad ki prokram bapther bapther. Ha katei ka sngi la sam ruh iaki khusnam sha ki nongjop kiba la shim bynta haki jingiakop bapther bapther ha katei ka jingrakhe iaka Jal Utsav.

# Bthah ka iingbisha ba dei ban iada ia ka wah Myntdu

kaiphod hapoh ka 28 tarik u Rymphang, 2025. Ka sorkar kadei ruh ban ai ia ka kaiphod kaba pyni ba ka la don ka jingshimkam bad ba kadei ban jubab ia kane ka Amicus Curiae hapoh ka 13 tarik u Lber, 2025.”



ban shna ia ki jingtei hajan jong ka wah. Kum kine ki jingtei ka la ktah bha ia kane ka wah naba baroh ki jaboh ki la lang hapoh kane ka wah. Kaba ar ka long ba ka sorkar kam shym la lah ban pynsangeh ia ka jingtuid ka khyndew hapoh ka wah. Kane ka la ktah ia ka jingtuid jong ka um sha ki jaka rep, nangta ka jingdonkam ia ka umbam umdih bad kiwei pat

Ka Amicus Curiae P Yobin, ha ka kaiphod ba la ai lang ia iathuh ia ka jinglong kongsan jong ka Wah Myntdu kaba tuid napoh ka thain Jaintia bad kaba leit tuid ruh sha ka ri Bangladesh.

Kane ka wah ka iaid lyngba artylli ki them jong ka jylla kiba kynthup ia ka Pynthor Nein bad Pynthor Wah kaba la ai jingmyntoi ia kumba 40,000 ngut ki nongshong shngong. Ia kane ka wah la mane kum ka blei bad la burom ia ka kum ka Tawiar Takam (divine angel guardian) da ki nongshong shngong.

Ka jingsngewkha kaba la wanrah ha kane ka jingkyrpad ka long halor ka jingai jingbit jong ka sorkar

ki jingthmu.

Ka mejj ki nongbisha ki la ong ba ki la hun ia ka kaiphod ba la wanrah da AAG ba ka sorkar ka la shim ki sienjam ban iada na ka jingwa ka khyndew bad kumjuh ruh ban weng ia ki jaboh kiba la mih na ka daw jong ki jingtei kiba la hab hapoh ka wah.

“Ka la paw ha ka kaiphod ba kane ka kam kan

long kaba shim por. La kdew ruh da Amicus Curiae ba ka por tyrkhong ka la sdang bad kan sa nang long tyrkhong ha ki sngi ban wan. Kumta lah don ban shim ki sienjam kiba kyrkieh ban pynsuk ia ka jingtuid lailtuid jong ka wah. Ngi bthah ba ka sorkar ka dei ban bteng ban pyndep ia ka kam kaba ki la sdang,” ka la ong.

Ka mejj ki nongbisha ka la bthah ruh ba dei ban pynmih ia ka hukom da ka sorkar mardor ka ban khang ia ka jingtheh ia ki jaboh na kine ki jingtei hapoh ka wah bad bthah ruh ba dei ban kit da ki trok ne kino kino ki kali sha ka jaka bret nuit ba la buh da ka sorkar.

“Kaba ar ka long ba kadei ban don ka jingbthah ba ia ki kam jingtei dei ban kiar najan jong ka wah bad kane ka dei ban long kaba iaid da ka aini ha ka lynti kaba shid kaba shai bad kaba don ka jingkitkhlieh,” ong ka hukom.

# Pynshai u EE PHE halor ka jingkyrnoh bym ioh Bill ki Contractor na ka skhim JJM

Nongstoiñ Division u Bah Dennis Shabong, haba iakren bad u nongthoh khubor ha ophis treikam jong u mynta ka sngi, u la pynpaw ba kiba dang sah hi ki Bill ki dei naduh u bnai Naitung 2024 haduh mynta, lait nangta baroh la dep ban pynkhuid lut.

Shuh shuh u la ong ba ka jingbym ioh fund mynta naduh u Naitung ter ter haduh mynta ruh ka dei ka jingbym lah ban pyndep ia ki jingtrei hapoh u 2024. Ha ka jingshisha u la ong ha Nongstoiñ Division ki tiar ki tar ban trei kum ki pipe um bad kiwei ki la don lut shwa ban pynkut ia kane ka skhim katkum ka por ba la buh. Kumta ka shong ha ki Contractor ban pyndep ia ki jingtrei.

Haba iakren halor ki jingsiew Bill, u la ong ba kaba kham kongsan eh ba baroh ki dei ban sngewthuh ka long ba ha kane ka skhim jong ka JJM, ka dei beig ba lada la pyndep lut ia ki jingtrei katkum kaba la pruid dak bad ai jingtrei, na ka liang ka ophis ruh ka ialeh ban pynsted katba lah ban pynkhuid bad siew pyndep.

Shuh shuh ha ka jingiakren u Bah Shabong u la ong ba ha ka jingpyntyllun ia kane ka skhim, kaba ka sorkar India ka thmu ban pyndep hapoh ka 31 tarik Lber 2024, ki don ki Contractor kiba pyntri bad pyndep ia kane ka skhim katkum ki kyndon ka JJM, ha kaba na ka liang ka tnad ruh ka siew dep noh khlem pynshah.

Hynrei, u ong ba ki don ruh ki Contractor kiba ioh jingtrei kum ki jingtrei ban shna san tylli ki top um, ha kaba

ynda dep tang artylli ki kwah ioh pisa noh. U la ong ba ha ka skhim JJM kam long kumta kum kiwei pat ki skhim ha ki snem ki por ba mynshuwa. Ha ka skhim JJM watla la pyndep lut shwa baroh ruh, hynrei shwa ban ioh bill hap ban iaid shwa lyngba ka Village Water Sanitation Committee, nangta na ka kynhun jong ka 3rd party kiba hap ban leit sha ka jaka ba trei bad kumta ter ter.

Mynta lei lei ki la nang mih shi mih ki kyndon hapoh kane ka skhim bad dang shen ka mih ka kyndon ba kito ki contractor kiba aplai ia ka 10 percent ruh, ki hap donkam ia ki kot ki sla kiba biang bad hap ioh jingbit wat na ki shngong ba ki ioh jingtrei ban pyntri ia kane ka skhim.

U la ong ruh lehse hadien u Lber 2025 ka jingwan fund kan kham eh khyndiat. Tangba u la ong ba na ka liang ka ophis kan leh ia kaba bha tam ban pass bill sha ki Contractor, khamtam eh ynda poi biang ka fund jong kane ka skhim na ka bynta kine ki bnai ba dang sah.

Haba pynpaw ia ka jingkyrkuu jong kane ka skhim Jal Jeevan Mission na ka bynta ki shngong kyndong kynshrot jong ka West Khasi Hills, u Bah Shabong u la ong ba la jan baroh hi ki shngong ki la myntoi. Kito kiba sngewthuh bad kiba kloian iatreilang lei lei, ki kham ioh kloian ruh ia ka umbam umdih kaba biang.

U la iathuh ba hapoh ka PHE Nongstoiñ Division, ki don palat 620 shngong kiba kane ka skhim ka treikam. Kine ki kynthup ia ki shngong kyndong ka Nongstoiñ,

Mawthadraishan, Mawshynrut bad katto katne shngong kiba hap ha South West Khasi Hills.

Ka kam hi kam dei kaba suk naduh ba la sdang pyntyllun ia kane ka skhim ha u snem 2019. Ki don ki shngong ki bym sngewthuh hi ruh ia kane ka skhim bad kynthoh kylla ia ki brieve ka tnad kiba wan ban pynshai sha ki shngong jong ki, ong u Bah Shabong.

Nangta ki don ruh kumba saw shngong ha khappud ka thain Langpibh ba kynthup ia ka Dolidonga, Ukiam, Gorkhali bad Hasem, kiba ka ophis hi kam lah leh ei bad shu ieh kumto namar ka jingiatyngkhuu bad ka Assam, ha kaba ki bor na Assam kim shah kim ailad ban pyntri.

Ki don ruh ki shngong ha ka thain Shallang jong ka Mawshynrut, kum ka Mawkchap, Rianga bad Umdang ki bym treh ia ka pumping skhim bad kwah da ka gravity. Namar kata ha kine ki shngong ruh hap ban pynshai bad kumjuh ruh la hap leh thymmai biang lane revise biang ia ka estimate.

U Bah Dennis Shabong Executive Engineer ka PHE Nongstoiñ Division, u la ong ba kat kane ka skhim kaba heh kaba long ka jingkyrkuu ia ki shngong ki thaw, ka donkam ruh ia ka jingiatreilang naduh ki bor shngong khamtam eh, nangta ki contractor ba pyntri ia ki jingtrei. Namar ka ophis hi kumba long mynta ka guna nongtrei palat lane kata ka man power. Ka don 7 ngut ki G.E bad tang uwei u S.D.A ryngkat ki muster roll ban pyntyllun ia ka kam.

# Ki painkhana ki iada na ka jingsaphriang ki khniang jingpang: EE PHE

**Mawkyrwat, ‘Naiwieng, 20:** Ka ophis u Executive Engineer, PHE Mawkyrwat Division-cum-Member Secretary jong ka District Swachh Bharat Mission Grameen, South West Khasi Hills District ha ka sngi Baar ka la rakhe ia ka “World Toilet Day 2024” kum shi bynta b an pynsngewthuh paidbah kumno ban pynneh pynshah ia ka jingkhuid jingsuba jong ki painkhana, kumno ban sumar bad ban lehkhuid ia ki khnang ba ki brieve ki lait na ka jingkhari jong ki khniang jingpang ba bun jait.

Ha kane ka sngi la plie ruh ia ka campaign kaba iadei bad ki kam ki ban sa pyndep ha kane ka jingrakhe ia ka “World Toilet Day 2024” ban sa pynkut haduh ka 10 tarik, Nohprah, 2024.

U Executive Engineer jong ka PHE Mawkyrwat Division Bah K. Nongbsaw haba kren kum u kongsan ha ka jingialang u la pynkynmaw ruh ba ka United Nation Organsation (UNO) ka la pdiang ia ka jingiakren ha u snem 2013 ba kan don ka jingrakhe kyrpang ia ki painkhana ne ka World Toilet Day ha kaba ia kane la ju pynlong ruh ia ki program la jan manla u snem.

U la pynkynmaw ruh ha ki jinglong jong ki por ba mynshwa ba ki brieve ki dang leit rud ne leit painkhana ha ki rud ki kiar hynrei haba ia nujoj ha kine ki por ba mynta la kham niar ban iohi ba ki brieve kin leh ia kata bad ki la sdang ban sngewthuh kumno ban pyndonkam ia ki painkhana la ka long naduh kiba dang khynnah haduh



kiba la heh la sah ruh, namar lada ki pyndonkam ia ki ka lah ban tehlahkam na ka jingsaphriang ki khniang jingpang kiba long ka daw jong ka jingpynthut ia ka koit ka khiah jong ka jingim brieve.

U la pyntip ruh ba ki don ki lad jingiarap na ka bynta ki longiing bad kumjuh ruh kita kiba ioh ia ki iing duk da kaba ki lah ban aplai ia ki skhim painkhana lyngba ka ophis jong u Executive Engineer, PHE Mawkyrwat Division-cum-Member Secretary jong ka District Swachh Bharat Mission Grameen lyngba ka jingpynshisha na ki Secretary VWSC jong ki shngong.

U kyntu ia ki paidbah ban lait na ka jingleit shabar pathar ka donkam ka long ka jingiatreilang jong ki shngong ki thaw da kin wad ki lad ki lynti ban pynshai ha ki paidbah ba ki lad jingiarap na ka sorkar ki don bad kim dei ban pynleh noh ei ia ki.

Kiwei de kiba la ia donlang ki long u Bah I. Lawryniang, MCS, Block Development Officer, Mawkyrwat C&RD Block, u bah D.G. Nongsiej, DSEO,

South West Khasi Hills District, u bah I. Kharbudon, SDO ka PHE Mawkyrwat Division, ki rangbah shngong, ki Secretary VWSC, lem bad ki nongtrei jong ka ophis PHE Mawkyrwat Division.

Ha kane ka sngi ka ophis jong u EE PHE ka la sam ia ki work order ban shna ia ki Segregation Shed/Store-age Shed sha ki 6 tylli ha Ranikor Block kaba kot T. 1.50 lak, katba ha Mawkyrwat Block 8 tylli kaba kot T. 1 lak tyngka kawei kawei.

Kumjuh ruh la sam ruh ia ki Work Order sha ki Individual Household Latrine (IHL) kaba dei jong ki New Emerging Household kaba dei ia ki 386 unit bad Individual Household Latrine

(IHLs) jong ki PMAY sha ki 193 unit.

La sam ruh ia ki syrnod sha ki lai ngut ki brieve kiba dei ki nongtrei monsngewbha kiba la lah ban pyntyllun ia ki kam ha ki shngong ki thaw halor ka khuid ka suba kata ka Kong Evelyne Thyrniang, u Bah Pynskhemborlang Shangdiar bad u Bah Handing Snaintang.

Ka ophis jong u Executive Engineer, PHE Mawkyrwat Division-cum-Member Secretary jong ka District Swachh Bharat Mission Grameen, South West Khasi Hills District kan sa pynlong ia ka jingiakop dro dur ha ki jaka leit shabar ne ki painkhana bad ki nongjop kin sa ioh ia ki khusnam ryngkat ka syrnod.

# Don bun bha kiba aplai na bynta ban tih dewiong katkumka juk stad Saian

**Shillong, Naiwieng 20 :** U Myntri ka Sorkar jylla, Bah Kyrmen Shylla ha ka sngi Balang u la iathuh ba ki don bun bha kiba aplai na bynta ka Mining Lease lane ka jingpan jingbit ban tih dewiong kaban pyni ba ki la long kiba la biang ban sdang noh ia ka kam tih dewiong da ka juk stad ha ki jaka kiba hapoh 100 hectare.

Haba kren bad ki lad pathai khubor, u Bah Kyrmen uba dei ruh u MLA ka Khliehriat u la ong ba la katei ka jingheh kaba hapoh 100 hectare ka la biang ne kam iahap bad ka Meghalaya, ia kane kin sa lah ban tip tad haduh ba ki la don kiba la sdang ia katei ka kam tih dewiong katkum ka juk stad lane da kata ka scientific mining.

Dang ha u Naitung mynta u snem, ka Meghalaya State Coordination Committee of the Coal Owners, Miners, Exporters, Transporters and Dealers Forum (MSCCOETDF), ka la dawa na ka sorkar jylla ba kan pyndam noh ia ka

kyndon ne Standard Operating Procedure kaba ki kyndon ba ka long kaba beaifi kaba iadei bad ka jingai laisen ne ka mining lease na bynta u dewiong ha ka jylla.

Katkum katei ka SOP la ong ba ka jingai ia ka laisen lane ka mining lease ban tih dewiong ha ka jylla kadei ban long ha ki jaka kiba hapoh 100 hectare.

Na ka liang u Myntri haba kren halor kane ka phang u la ong ba ka thong jong ka sorkar jylla hi ka long ban peit ia ki paidbah, ki nongtrei par, nangta ia kito kiba don bynta lang ha ka kam bad baroh kiba donkam ia ka jingkyrshan. “Hynrei ia mynta hi, bun ki la aplai hapoh kane ka thup bad kane ka pyni ba bun ki la kotbor ban leh.”

Shuh shuh u Bah Kyrmen u ong ruh ba ki don ka jingkyrmen ba ka Sorkar Jylla hapoh ka jingialam jong u Myntri Rangbah Conrad K Sangma, kan sa pynthikna shen ia ka jingsdang noh ka jingthi dewiong katkum ka jingstad saian ha Meghalaya.

# Mynta ka elekshon ruh ngi sngewskhem ban jop bun ki

pathai khubor, u Bah Kyrmen Shylla u la ong ruh ba ki khmih lynti ba wat kane ka elekshon MDC kaban long shen ki paidbah ka jylla kin ai ka jingkyrshan kaba pura ia ka party kumba ki la kyrshan ha ki elekshon ba la dep.

“Ngi ju don ia ki jingialang na ka por sha ka por ha ka party bad mynta ka party ka la pynkhreh shaid shaid na bynta ka elekshon. Mynta ngi dang ap ia ka por ban pynbna ia ki kyrtong ha baroh ki distrik bad ha kiba bun ki jaka ki kyrtong ki wan ban kyrpad iangi ban ai tiket na bynta kane ka elekshon,” u la iathuh.

Nalorkata, u ong ruh ba ha ka elekshon MDC ba la dep ki paidbah ka rilum Khasi bad Jaintia ki la pynjop bun ngut bha ki MDC bad kumta mynta ka kynti ruh ki khmih lynti ba kin ia iatng ban ai ka jingkyrshan.

“Mynta ka kynti ruh ngi don ka jingkyrmen ba ngin jop bun ki kyrtong bad

ngin sa pynshisha ba ki paidbah ki don ryngkat,” la bynrap biang u Bah Kyrmen.

Shuh shuh u la ong ruh ba ka elekshon MP ka la ai jingsngew bad pynkyndit bynriew ia ki bad dei na kane ka daw ba mynta ki don ka jingkyrmen ba ki paidbah kin phai khmat biang sha ka UDP.

Haba jubab pat halor ka jingkylli, u Bah Kyrmen u ong ba ka jingmih ki party thymmai kam don kano kano ka jingtkah namar ki ruh ki don ka hok ban iakhun elekshon.

“Tangba, ngi don hangne ym dei ban ia kob bad kino kino hynrei ban trei ban pyni sha ki paidbah ba ngi thrang ban shakri na bynta jong ki. Ka jingdon jongngi hangne kam dei tang ban shu ia kyndon hynrei ka long beit tang ban shakri ia ki paidbah ka jylla.”

Hadien kane u la iathuh ba ki sngew kmen ba ki paidbah ki la pynjop haduh 12 ngut ki MLA bad ki dang don ka jingkyrmen ba ha u snem 2028 kin sa lah ban jop kham bun shuh shuh.